

Broj: 0105-38-1582/14  
Sarajevo, 29. 04. 2014. godine

Na osnovu Odluke Upravnog odbora Univerziteta u Sarajevu sa 2. redovne sjednice, broj: 01-14-150714 od 25. 02. 2014. godine o davanju saglasnosti na zaključenje Ugovora o finansiranju/sufinansiranju projekata iz oblasti nauke od značaja za Federaciju Bosne i Hercegovine, zaključen između Federalnog ministarstva obrazovanja i nauke i Univerziteta u Sarajevu, a u skladu sa Zaključkom sa 19. sjednice Senata Univerziteta u Sarajevu od 26. 02. 2014. godine, kojom je utvrđena metodologija realizacije Ugovora, Univerzitet u Sarajevu raspisuje

### INTERNI POZIV

za dostavljanje prijava za raspodjelu sredstava Federalnog ministarstva obrazovanja i nauke za finansiranje/sufinansiranje projekata iz oblasti nauke i projekata opremanja institucija nauke od značaja za Federaciju BiH iz Budžeta za 2013. godinu

#### **A) Finansiranje/sufinansiranje projekata iz oblasti nauke od značaja za FBiH iz budžeta FMON za 2013. godinu**

U skladu sa Ugovorom između Univerziteta u Sarajevu i Federalnog ministarstva obrazovanja i nauke (FMON) o (su)finansiranju projekata iz oblasti nauke od značaja za FBiH u 2013. godini, sredstva u ukupnom iznosu od 182.114,00 KM biće dodijeljena za (su)finansiranje programa i projekata iz 2013. godine kako slijedi:

#### **1. Podrška izdavanju referentnih naučnih časopisa, zbornika radova, bibliografija i sl. Podrška postizanju referentnosti naučnih časopisa.**

##### Kriteriji za dodjelu sredstava:

- redovnost izlaženja časopisa;
- recenziranje radova i popis recenzenata;
- postojanje domaće i međunarodne saradnje;
- sastav uredništva časopisa i omjer prihvaćenih i odbijenih članaka;
- relevantnost i referentnost manifestacije sa koje se izdaje zbornik radova;
- relevantnost i referentnost bibliografije za određenu naučnu oblast ili opće naučne tokove u BiH i svijetu.

##### Potrebna dokumentacija za prijavu:

- formular za prijavu (obrazac 1) ovjeren potpisom dekana fakulteta/akademije;
- zadnji izdati primjerak časopisa/zbornika/bibliografije
- dokaz da se časopis nalazi na spisku neke od referentnih međunarodnih baza naučnih časopisa, ili da je u proceduri upisa na listu referentnih časopisa, odnosno da je od izuzetnog značaja za određenu naučnu oblast u BiH;
- popis recenzenata članaka zaprimljenih u 2013. godini;
- dokazi o visini troškova štampanja.

Sredstva za podršku izdavanju naučnih časopisa, odnosno zbornika ili bibliografija će biti dodijeljena isključivo za materijalne troškove realizacije izdavačkog projekta (troškovi tehničke pripreme i štampanja časopisa, odnosno zbornika ili bibliografije) bez autorskih, uredničkih i sličnih honorara i naknada.

Organizacione jedinice mogu kandidirati najviše 1 projekt u okviru ovog programa, u maksimalnom iznosu do 2.000,00 KM.

## **2. „Podrška naučnom usavršavanju na doktorskom studiju zaposlenih na Univerzitetu u Sarajevu“**

Kriteriji za dodjelu sredstava:

- Rezultati u dosadašnjem studiju i istraživačkom radu

Potrebna dokumentacija za prijavu:

- formular za prijavu (obrazac 2) ovjeren potpisom dekana fakulteta/akademije;
- dokaz da je doktorska disertacija/projekt disertacije odbranjen u 2013. godini;
- dokaz o visini troškova odbrane doktorske disertacije/izrade projekta disertacije;
- biografija kandidata sa bibliografijom;
- potvrda nadležnog kantonalnog ministarstva obrazovanja i nauke da kandidat nije ostvario pravo na sufinansiranje troškova izrade i odbrane doktorske disertacije;
- ovjerena izjava kandidata:
  - ✓ da je vlastitim sredstvima finansirao izradu i odbranu disertacije/projekta disertacije,
  - ✓ da nije ostvario pravo na sufinansiranje troškova izrade i odbrane doktorske disertacije/projekta disertacije od javnog sektora (općine, gradovi, javni fondovi, ministarstva i tijela uprave na svim nivoima, javne ustanove, javna preduzeća);
  - ✓ da nije bio oslobođen predmetnih troškova od institucije na kojoj je stekao naučni stepen doktora nauka/odbranio projekt disertacije

Organizacione jedinice mogu kandidirati najviše jedan projekat u okviru ovog programa, u maksimalnom iznosu do 2.000,00 KM.

## **3. „Podrška radu biblioteka i njihovo uključivanje u bibliotečko-informacioni sistem“**

Kriteriji za dodjelu sredstava:

- podrška izgradnji/uspostavi bibliotečko-informacionog sistema Univerziteta u Sarajevu

Potrebna dokumentacija za prijavu:

- **zahtjev/formular za prijavu;**
- **projekt sa obrazloženim finansijskim troškovima.**

*Sredstva za podršku radu biblioteka i njihovom uključivanju u bibliotečko-informacioni sistem biće dodijeljena za jedan projekat podrške izgradnji/uspostavljanju bibliotečko-informacionog sistema UNSA i to za materijalne troškove kao što su troškovi nabavke neophodne bibliotečke i informatičke opreme, pretplata za uključivanje u bibliotečko-informacione sisteme i pristup referentnim naučnim bazama podataka, članarine u krovnim međunarodnim bibliotečkim asocijacijama, troškovi učešća u međubibliotečkoj saradnji i*

*razmjeni, troškovi nabavke aktuelne naučne, univerzitetske i stručne literature u cilju obogaćivanja bibliotečkog fonda, bez honorara i naknada za učesnike ili voditelje projekta.*

#### **4. „Međuinstitucionalna naučno-tehnološka saradnja međunarodnog karaktera (po osnovu potpisanih sporazuma)“**

Kriteriji za dodjelu sredstava:

- potpisan sporazum ili protokol o međudržavnoj ili međuinstitucionalnoj međunarodnoj saradnji;
- značaj saradnje za Federaciju i BiH;
- očekivani rezultati saradnje;
- referentnost učesnika u programu saradnje.

Potrebna dokumentacija za prijavu:

- formular za prijavu (obrazac 4) ovjeren potpisom dekana fakulteta/akademije;
- detaljno obrazložen finansijski plan sa dokazima o visini troškova;
- kopija sporazuma o saradnji.

Podrška će biti dodijeljena za učešće u naučno-tehnološkoj saradnji međunarodnog karaktera i drugim oblicima međunarodne saradnje isključivo za materijalne troškove učešća (troškovi putovanja, smještaja i ishrane, članarine i druge naknade za članstvo u krovnim međunarodnim strukovnim organizacijama, sufinansiranje projektnih aktivnosti predviđenih sporazumom).

Organizacione jedinice mogu kandidirati najviše 1 projekat u okviru ovog programa, u maksimalnom iznosu do 2.000,00 KM.

#### **5. „Organizacija domaćih i međunarodnih naučnih skupova (kongresi, savjetovanja, simpoziji, tribine i dr.)“**

Kriteriji za dodjelu sredstava:

- naučni i društveni značaj skupa;
- naučna relevantnost organizatora i referentnost učesnika skupa;
- očekivani doprinos razvoju i širenju naučne misli i rezultata istraživanja;
- mogućnost uspostavljanja trajnih veza i saradnje sa domaćim i stranim naučnim ustanovama i naučnim radnicima;
- povezivanje sa naučnom dijasporom BiH;
- tradicija manifestacije i važnost tematike skupa.

Potrebna dokumentacija za prijavu:

- formular za prijavu (obrazac 5) ovjeren potpisom dekana fakulteta/akademije;
- program rada skupa;
- pregled učesnika skupa;
- detaljno obrazložen finansijski plan sa dokazima o visini troškova.

Sredstva za podršku organizaciji naučnih skupova biće dodijeljena isključivo za materijalne troškove pripreme i održavanja skupa (troškovi štampanja poziva i programa, troškovi umnožavanja referata, koreferata, saopćenja i drugih priloga, troškovi osiguranja prostora za rad naučnog skupa, troškovi pratećih usluga – simultano prevođenje i sl., troškovi objavljivanja radova sa naučnog skupa u zborniku radova/zborniku apstrakata ili odgovarajućem časopisu).

Organizacione jedinice mogu kandidirati najviše 1 projekat u okviru ovog programa, u maksimalnom iznosu do 3.000,00 KM.

## **6. „Podrška istraživanju od značaja za Federaciju“**

Kriteriji za dodjelu sredstava:

- reference istraživačke grupe, odnosno relevantnost institucija koje učestvuju u projektu;
- potencijalni značaj rezultata istraživanja za Federaciju, odnosno BiH;
- potencijalna mogućnost za uključivanje u istraživačke projekte EU;
- uključivanje mladih istraživača.

Potrebna dokumentacija za prijavu:

- formular za prijavu (obrazac 6) ovjeren potpisom dekana fakulteta/akademije;
- biografija voditelja projekta;
- detaljno razrađen projekat ili program sa finansijskim planom, te pregledom i strukturom učesnika.

Podrška istraživanju od značaja za Federaciju biće dodijeljena isključivo za materijalne troškove (nužni putni troškovi i troškovi boravka neophodni za provođenje istraživanja, troškovi obavljanja istraživanja-naknade za provođenje laboratorijskih i sličnih ispitivanja, kopiranje literature, dokumenata i drugih materijala neophodnih za istraživanje), bez autorskih i sličnih honorara, naknada i dnevnica, te troškova nabavke opreme.

Organizacione jedinice mogu kandidirati najviše 1 projekat u okviru ovog programa, u maksimalnom iznosu do 3.000,00 KM.

Napomena: U okviru ovog programa FMON priznaje troškove isključivo za provođenje određene faze istraživanja, neophodne za kompletiranje rezultata naučnoistraživačkog rada (istraživanje na terenu, laboratorijski opiti i sl.).

## **7. „Podrška autorima i institucijama u izdavanju novije naučne, stručne i univerzitetske literature; izdavački projekti“**

Kriteriji za dodjelu sredstava:

- visok nivo naučnog ili stručnog djela;
- recenzije.

Potrebna dokumentacija za prijavu:

- formular za prijavu (obrazac 7) ovjeren potpisom dekana fakulteta/akademije;
- biografija i bibliografija autora;
- najmanje dvije recenzije stručnjaka iz oblasti;
- u slučaju visokoškolskog udžbenika: mišljenje da se izdanje može koristiti kao univerzitetski udžbenik ili pomoćna literatura;
- primjerak knjige (rukopisa);
- finansijski plan sa dokazima o visini troškova štampanja.

Sredstva za podršku izdavačkim projektima će biti dodijeljena isključivo za materijalne troškove realizacije izdavačkog projekta (troškovi tehničke pripreme i štampanja knjige ili udžbenika), bez autorskih, uredničkih i sličnih honorara i naknada.

Organizacione jedinice mogu kandidirati najviše 1 projekat u okviru ovog programa, u maksimalnom iznosu do 2.000,00 KM.

## **8. „Učešće na domaćim i međunarodnim naučnim skupovima“**

Kriteriji za dodjelu sredstava:

- visok nivo i značaj naučne manifestacije;
- referentnost učesnika skupa;
- izlaganje rada na skupu (aktivno učešće na skupu).

Potrebna dokumentacija za prijavu:

- formular za prijavu (obrazac 8) ovjeren potpisom dekana fakulteta/akademije;
- relevantne informacije o skupu (program, teme, izlagači, ulesnici);
- dokaz da je rad prihvaćen za učešće i/ili izlaganje na naučnoj manifestaciji;
- finansijski plan sa dokazima o visini troškova.

Sredstva za podršku aktivnom učešću na naučnom skupu biće dodijeljena isključivo za materijalne troškove učešća (putni troškovi, troškovi smještaja, kotizacija, izrada materijala za prezentaciju), bez autorskih i sličnih honorara, naknada i dnevnica.

Organizacione jedinice mogu kandidirati najviše jedan projekat u okviru ovog programa, u maksimalnom iznosu do 2.000,00 KM.

## **9. „Sufinansiranje istraživačkog rada, naučnog usavršavanja i studijskih boravaka u zemlji i inostranstvu s ciljem podizanja stepena naučnog zvanja“**

Kriteriji za dodjelu sredstava:

- relevantnost istraživanja;
- neophodnost istraživanja/specijalizacije za dalje naučno usavršavanje aplikanta ili podizanje odgovarajućeg stepena/zvanja.

Potrebna dokumentacija za prijavu:

- formular za prijavu (obrazac 9) ovjeren potpisom dekana fakulteta/akademije;
- detaljno obrazložen projekat;
- dokaz da je aplikant kandidat za sticanje odgovarajućeg naučnog stepena/zvanja;
- pozivno pismo ili saglasnost domaćina o prihvatanju kandidata (ako se istraživanje obavlja u nekoj od visokoškolskih ili naučnih ustanova);
- detaljno obrazložen vremenski, odnosno finansijski plan istraživanja sa dokazima o visini troškova.

Podrška obavljanju istraživačkog rada, naučnog usavršavanja i studijskih boravaka u zemlji i inostranstvu sa ciljem podizanja stepena naučnog zvanja, biće dodijeljena za materijalne troškove (putni troškovi, troškovi smještaja, troškovi obavljanja istraživanja-naknade za provođenje laboratorijskih i sličnih ispitivanja, kopiranje, skeniranje i mikro-filmovanje

literature, dokumenata i drugih materijala neophodnih za istraživanje, troškovi lokalnog prevoza – javni gradski saobraćaj), bez autorskih i sličnih honorara, naknada i dnevnica.

Organizacione jedinice mogu kandidirati najviše jedan projekat u okviru ovog programa, u maksimalnom iznosu do 3.000,00 KM.

## **B) Finansiranje/sufinansiranje projekata opremanja institucija nauke od značaja za FBiH iz budžeta FMON za 2013. godinu**

U skladu sa Ugovorom između Univerziteta u Sarajevu i Federalnog ministarstva obrazovanja i nauke o (su)finansiranju projekata opremanja institucija nauke od značaja za FBiH iz budžeta FMON za 2013. godinu, sredstva u ukupnom iznosu od 239.451,85 KM biće dodijeljena za (su)finansiranje projekata iz 2013. godine kako slijedi:

### **10. Podrška radu Univerziteta u Sarajevu kroz uređenje prostora i nabavku prioritetne opreme za naučnoistraživački rad**

#### Kriteriji za dodjelu sredstava:

- trenutno stanje i starost objekta i/ili opreme;
- neophodnost zahvata na uređenju prostora i njegovom prilagođavanju potrebama instaliranja i stavljanja u funkciju naučnoistraživačke opreme, odnosno obavljanja naučnoistraživačkog rada;
- neophodnost nabavke opreme za rad institucije i permanentnu edukaciju naučnih kadrova;
- broj potencijalnih korisnika opreme;
- značaj nabavke i korištenja opreme u prilagođavanju standardima i normativima u oblasti visokog obrazovanja i naučnoistraživačke djelatnosti.

#### Potrebna dokumentacija za prijavu:

- formular za prijavu (obrazac 10) ovjeren potpisom dekana fakulteta/akademije;
- detaljno obrazložen projekat;
- detaljno obrazložen vremenski, odnosno finansijski plan sa dokazima o visini troškova.

Organizacione jedinice mogu kandidirati najviše jedan projekat u okviru ovog programa, u maksimalnom iznosu od 10.000,00 KM.

**NAPOMENA: sredstva koja će biti dodijeljena u skladu sa ovim pozivom i Ugovorima između UNSA i FMON su namijenjena za projekte, programe i aktivnosti koje se po kriterijima FMON mogu finansirati iz budžeta za 2013. godinu.**

O raspodjeli sredstava će odlučiti Komisija imenovana od strane Senata Univerziteta. Interni poziv ostaje otvoren 15 dana od dana objavljivanja.

Prijave je potrebno dostaviti na adresu:

**Univerzitet u Sarajevu  
Obala Kulina bana 7/II  
71 000 Sarajevo**

**sa naznakom:  
„Prijava na Interni poziv – programi nauke“**